



## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno DLXXVII. ad annum DXC.

**Parisiis, 1644**

Epistola XXIX. Gregorii Papae I. Ad Anastasivm Presbytervm Isavriae. De contentione tollenda, quae inter patrem monasterii quod Neas dicitur, & Hierosolymorum episcopum exorta erat.

**urn:nbn:de:hbz:466:1-15221**

*gratia.* Tunc enim ostensa caritas vera est, si per typhum superbiae inter nos schisma non fuerit. Ego enim Iesum testem inuoco in anima mea, quia a summo usque ad ultimum nulli hominum dare scandali occasionem volo. Omnes magnos esse & honorabiles cupio, quorum tamen honor honori omnipotentis Dei non detrahatur. Nam quisquis se contra Deum honorari appetit, mihi honorabilis non est. Sed ut cognoscatis quam erga vestram beatitudinem habeam voluntatem, dilectissimum filium meum Anatolium diaconum ad piissimorum dominorum vestigia transmisi, qui eorum pietati ac vestrae fraternitati satisfaciat, quia nulli in hac causa nocere appeto, sed humilitatem Deo placitam, & sanctae ecclesiae concordiam custodire. Et quia hostis omnipotentis Dei antichristus iuxta est, studiose cupio ne proprium quid inueniat, non solum in moribus, sed etiam nec in vocabulo sacerdotum. Ea ergo quae nouo modo introducta sunt, ipso ordine quo illata sunt auferantur, & pax nobis illibata in Domino permanebit. Nam quae erit inter nos dulcedo, quae caritas, si nos metipso voce refouemus, & rebus pungimur? Hoc ergo vestra sanctitas agat, ut bona quae dicitis, nos in cordis medulla sentiamus; quatenus dum in uanimitate corda fuerint sacerdotum, pro piissimorum dominorum vita deprecantes tanto citius exaudiri mereamur, quanto & orationes vestras ante Dei oculos pax illuminat, & discordiae macula non obscurat.

## EPISTOLA XXIX.

## GREGORII PAPÆ I.

AD ANASTASIVM PRESBYTERVM ISAVRIÆ.

De contentione tollenda, quæ inter patrem monasterii  
quod Neas dicitur, & Hierosolymorum  
episcopum exorta erat.

*Gregorius Anastasio presbytero Iſauriæ.*

**Q**VIA bonus homo de bono theſauro cordis ſui bona Matth. 12.  
profert, hoc tua caritas & spiritualiter viuendo, &  
modo mihi in epiftola ſua loquendo monſtrauit: in qua  
inueni duos quosdam de virtutibus litigantes, te videlicet  
pro caritate, atque alium pro timore & humilitate con-

*Concil. Tom. 13.*

B b b b ij

tendere. Et quamuis in multis occupatus, quamuis Græcæ linguae nescius, in contentione tamen vestra iudex re-sedi, sed requisita veritate, in meo iudicio contradic-torem tuum ipse vicisti per apostolicam sententiam, quam vobis contendentibus protuli: quia, *timor non est in cari-tate, sed perfecta caritas foras mittit timorem: quoniam timor pœnam habet: qui autem timet, non est perfectus in caritate.* Tua itaque fraternitas, quantum in caritate perfecta sit, scio. Et quia omnipotentem Deum multum diligit, oportet

1. Ioan. 4.  
Grat. dist.  
40. cap. 4.  
Polyc. libro  
3. tit. 7.  
Ioan. diac.  
lib. 4. c. 6.

vt de proximo multum præsumat. Non enim loca vel or-dines Creatori nostro nos proximos faciunt, sed ei nos merita bona iungunt, aut mala disiungunt. Quia ergo ad-

huc incertum est quis interius qualis sit, cur non audebas scribere, dum inter me & te quis sit superior ignores? Et quidem bene te viuere scio, me autem multis oneratum peccatis noui. Sed et si ipse peccator es, me tamen multo melior: quia tu tua tantummodo, ego vero & eorum qui mihi commissi sunt peccata porto. In hoc ergo te altum, in hoc te magnū aspicio, qui ante humanos oculos in magno atque in alto loco minime profecisti; in quo sæpe dum ex-terius ab omnibus honor tribuitur, ad ima animus mergi-tur, quia curis discerpentibus grauatur. Tibi autem omni-potens Deus, iuxta hoc quod scriptum est, *ascensus in corde disposuit, in conuale lacrymarum.* Multo autem me altior, multo sublimior videri poteras, si neque ducatum mo-nasterii, quod Neas dicitur, suscepisses: quia in eodem monasterio, sicut audio, monachorum quidem species te-netur, multa vero sub sanctitatis habitu sacerdotalia agun-tur. Sed etiam ad hoc te existimabo cælesti gratia per-uenisse, si ea quæ in loco illo omnipotenti Deo displicerent, te fuerint duce correcta. Sed quia inter patrem eiusdem monasterii & pastorem Hierosolymorum ecclesiæ sem-per esse iurgia consueuerunt, credo quod omnipotens Deus idcirco dilectionem tuam & sanctissimum fratrem

& confacerdotem meum ambos esse vno tempore Hiero-solymis voluit, vt ea quæ prædixi iurgia tollerentur. Nunc ergo ostendite quantum vos prius amastis. Scio quia vtri-que abstinentes, vtrique docti, vtrique humiles estis, vnde necesse est vt Saluatoris nostri gloria in vobis iuxta vo-cem Psalmistæ resonet, & in tympano & choro laudetur.

Psal. 83.  
Psal. 149.

EPISTOLARVM LIBER VI. 565

In tympano etenim sonus ex pelle sicca est, in choro vero vocum concordia. Quid igitur per tympanum, nisi abstinentia; quid per chorū, nisi vnanimitas designatur? Quia ergo per abstinentiam Dominum laudatis in tympano, peto ut per vnanimitatem laudetis in choro. Per se metipsam quoque Veritas dicit: *Habete sal in vobis, & pacem habete inter vos.* Marc. 9. Quid per sal nisi sapientia designatur? Paulo attestante qui ait: *Sermo vester in gratia semper sale sit conditus.* Col. 4. Quia ergo per doctrinam verbi cælestis sal habere vos nouimus, restat ut per caritatis gratiam etiam inter vos pacem toto corde teneatis. Hæc, carissime frater, dico, quia vtrosque vos multum diligo, atque omnino per timesco ne orationum vestrarum sacrificia ex aliqua inter vos dissensione maculentur. Benedictionem vero quam & prius per Exhilaratum secundicerium, & postmodum per Sabinianum diaconum transmisisti, cum gratiarum actione suscepi; quia de sancto loco decuit vos sancta transmittere, & cui assidue ministratis, ex vestro ipso munere demonstrare. Omnipotens Deus sua vos dextera protegat, atque a malis omnibus seruet illæsos.

EPISTOLA XXX.

G R E G O R I I P A P Æ I.

AD MAVRICIVM AVGVSTVM.

Defendit se temere indiscretum nominatum fuisse, quod Cyriacum episcopum Constantinopolitanum, qui vniuersalem se nominat, reprehenderit.

*Gregorius Mauricio Augusto.*

DOMINORVM pietas prouida, ne quid fortasse scandali in vnitate sanctæ ecclesiæ ex sacerdotum dissensione generari potuisset, semel ac bis me admonere dignata est, vt responsales fratris & consacerdotis mei Cyriaci benigne susciperem, eosque ad remeandum citius relaxarem. Et licet, piissime domne, apte & prouide cuncta præcipiat, ego tamen inuenio quia eorum iudicio indiscretus esse ex hac tali admonitione reprehendor. Numquid nam si ex superbo ac profano vocabulo meus non in modico est animus vulneratus, tantæ indiscretionis esse potui, vt nescirem quid vnitati fidei, quid concordia ecclesiasticæ

B b b b iiij